



KLOAREK KOAT AR RANNOU

HA

PENN-HEREZ KERZANTON.

War don : *Kurunen aour ha perlez ann Itron Varia Remengol*

Karantez ha glac'har !!!

I

Tud yaouank a Vreiz-Izel , didostait da glevet
Ar recit eus va daëlou ha va foñtiou kalet :
Me so eur c'hloarek iaouank a eskopti Kemper
Am boa choazet eur vestrez enn eskopti Treguer.

E c'harz ar mor oun ganet e bro sant Gwenole ,
Ha biskoas nemet glac'har n'em euz bet em buc :
Glac'har ha guir garantez , setu va flaneden ,
Planeden rust ha kalet da heulia pen-da-ben.

Pa oan em bugaleach va mam baour aliez
A lavare din : « Va mab , kar ha ped ar Werc'hez ,
» Ped anez-hi , va mabik , ped Gwerc'hez Remengol ,
» Mar he fedez a galon , biken ne di da goll. »

Patronez va mam dener , Gwerc'hez vad Remengol ,
Pet gweach oc'h euz-hu miret na dounn me eat da goll !...
Ho pedet am euz bepret... breman arok mervel ,
E kaninn ho meuleudi d'am breudeur Breiz-Izel.

II

Pa gimiadiz dioc'h va zud , pa ziz pel eus ar ger ,
Evit mont war ar studi e skolach Landreguer ,
N'em boa nemet pemzek vloa , me a wele dourek ,
Rag evidon ne voa ken , allaz , a eurstet.

O tostaat oc'h, Landreguer e kaviz eur plac'hik,
Koant vel eur ælik Doue, he hano oa Metik,
D'ar gouent e zea ive, evel d'on d'ar studi,
He c'halonik oa mantret kement ha va hini.

« Salud deoc'h, plac'hik iouank, a lavariz dez-hi,
« Evel d'oun oc'h ankeniet o kuitat tud ho ti;
« Ho tornik flour em dornik lakit gant karantez,
« Hag e yezimp eurusoc'h o wela assamblez. »
Ar plac'hik a lavaraz : « O kloarek Gwenole,
« Pedomp Doue aliez ann eil 'vit eguille;
« Er joa koulz hag en anken d'alc'hit sonj a Vetik,
« Euz a vreman da viquen e vo ho mestrezik. »

« O Metik, va c'harante, rozen gaer Breiz-Izel!
« War ho mignon Gwenole tolit breman eur zell,
« Eur zell digant ho lagad a rañ va eurstet
« Keit a ma lezo Doue achanon war ar bed. »

Erru e kear Landreguer, erru e penn hornent,
Me oe kaset d'ar skolach, ha Metik d'ar gouent;
Ann disparti oe kalet, c'huero hag ankeniuz;
Ann eurstet, er bed man siouas! n'eo ket padus!...

Tre ma chomiz er skolach, skeuden dous Metik kez
Enn deiz, en noz dirazon a depe aliez,
Neuze e peden Doue ha Sænt koz Breiz Izel
'Vit ma vije he bue laouen, eurus, santel.

III.

Pa oe achu va studi ez iz da Remengo!
Da bedi c'hoaz exit-hi Gwerc'hez vad *Remed-oll*;
Seiz tro a riz d'an noter, deyez ar pardon braz
Ha seiz tro d'ann Iliz sakr war benn va daoulin noaz.

Goude ann oferen bred, ò pebeuz levencz!...
Er vered gant he mamm ger, e velis Metik kez:
Laouen oa evel ann deiz ha koant evel al loar,
Biskoaz pen-hercz ker koant n'euz bet war ann douar.

Luguerni a re he zall, he diou chod gwen ha ru,
He ginou, vel eur rosen, he bleo, he lagad du,

Eur groaz aour en he c'here'hen , he c'hoef dantelezet ,
Lavaret ' vije eun æl euz ann ên diskennet.

« O ! pebeus joa evidomp , va c'hloarek Gwenole ,
» En em gaout e Remengol , deiz pardon Mamm Doue ,
» Man,m ann off' did ankeniet , Gwenole , ma mignon ,
» Evidout , e peb amzer , he fediz a galon.

» Metik koant , setu aman , setu ar voalen aour
» A roaz d'in , arog mervel , Annaik , va mamm baour ,
» Doug anez' hi war da' viz , kemer-hi digan-eu ,
» Me dou war goañt va mamm d'az karet da viken.

» Ar groaz aour zo em c'here'hen a vo did , Gwenole ,
» Eur guchen euz va bleo du a roañ did ive ;
» War ar groaz se e touan ha dirag ar Werc'hez
» E vi karet gant Metik tre ma vo e buez.

Ha daoulinet en Iliz , hon euz gred hor peden ,
Ha roet evit offrans , eur c'houriz koar melen ,
Binniget hor medalen , poket d'ar relegou ,
Da relegou sænt Breiz , karet gant hon tadou.

Goude hon eus baleet hon daou dre Vreiz-Izel ,
Ha guelel kals ilizou , kals a douriou huel ,
Abbati Landevennek ha mor Douarnenez ,
Lec'h ma oe beuzet kear Is hag ar brinces Ahez.

Gwelet hon deus Mene-Hom , hag ilis veur Kemper ,
Mene-Bre , ilis Bulat hag hini Landreguer ,
Kastel Brest , Sant Iap-ar-bis , ilis Salaün ar foll ,
Ha kaëra tour so er bed , tour huel Kastel-Pol.

Gwelet hon euz Ker-Ahez , Kemperle , Pont-n'Abat ,
Fouenan , bro ar merc'hed koant , Gwengamp hag Huelgoad
Montroulez ha Lahn-Huon , Krozon ha Lez-n-even ,
Kallak , bro ar gouriaou , Kastel-liu , Rosporden.

Klevet on euz o krozal ar mor e beg ar Raz ,
Biskoaz den n'hen tremenas eb santout aon pe c'hlaz ,
Bet omp en enez Sizun , en Henssa , Molenez ,
Eu enez Vaz , er leodet , iyo er seiz enez.

Eur bloavez omp bet eurus evel daou æl Doue ,
E pep lec'h , pa hor guelec , ann holl a lavare :
« Setu kloarek ar Rannou , soun evel eun derven ,
» Setu Metik , he vestrez , fresk evel eur rozen . »

IV

Devez pardon sant Herbot , e kleviz eur c'helou
En euz beuzet va c'halon , en eur mor a zaëlou ,
Gant he zad ha gant he mamm d'am mestrezik Metik.
Ez oa choazet da bried eur pagan pinvidik.

Ar pagan ze oa diot , hep furnez hep skiant ,
Ne gare war ann douar nemet ar gwin-ardant ,
Metik paour pa er gwele a grene gant enkrez ,
Hogen , he zud oa dallet , allas ! gant ann dauvez !...

Mont a riz primm d'he gwelet neuze da Gerzanton ,
Dre ma tostaen em c'hreiz , e krene va c'halon ,
War dachen ar bourg o son e oa ar biniou ,
Tud ann eured ha Metik beuzet en he daëlou.

Metik , a dreuz he daëlou , a reaz ouz-in eur sel
En eur lavaret : « *Kouraj , Kouraj , mignon fidel !*
Monet a ra en ilis , lavart'ra d'ar belek :
« *Gwenole eo a garan , hag en vo va fried !...*

Koueza reaz d'ann douar , raktal ar benn-herrez ,
Ha douget e oa dioc'h-tu euz ann ilis er mez ;
Dispak he c'hoef , he dillat , ha dispak he bleo ;
Seblantout a re beza eun ælik paour maro.

Mantret oll gant ar glac'har e koueziz dann daoulin ,
En eur grial : « O Metik , sell a druez ouzin !... »
Pokat a riz d'he dornik , d'he diou chod , d'he c'herec'henn ;
O Metik ! Metik ! Metik ! Te p'hini a garien !...

Ann disesper en dro din , evel eur vantel blom ,
A gassaz pell a c'hanon , pell war zu Mene Hom...
Va skiant a so kollet , va c'halon a so ien ..
O Metik ! Metik ! Metik ! Te p'hini a garien !...

Eiz de goude , asezet e kreiz koat ar Rannou ,
War va diou chod e rede diou feunteun a zaëlou...

Pa glevis e Remengol o son ann anter-noz
E lavariz esklamet : « Va Doue , deoc'h bennos !

- O Gwerc'hez sakr Remengol , sellit oc'h va glac'har ,
- » Aman oun deut da vervel brema war ho touar ,
- » Varc'hoaz pa zavo ann heol arc'hantet en envo
- » Dindan an derven goz ma , me vo kavet maro !!!...
- » O Metik , va dousik koant , te p'hini a garien ,
- » Kenavo 'lavarann did er bed ma da viken !
- » Gant ar maro unanet , ni c'hoaz en eum garo ,
- » Kenavo er baradoz , kenavo , kenavo !!!...

V

Ann de varlerc'h , da zao heol , eun durzunel hep par
A hirvoude en derven he c'hlemou a c'hlaç'har ;
Ar c'hloarek a ioa maro , maro gant ann anken ,
En eur lavaret : « *Metik te p'hini a garien !*

Ar c'hloarek paour a starde , c'hoaz war ho vuzellou ,
Kroas aour ha bleo du Metik , gleblet gant he zaëlou ;
War ann derven n'doa skivet hano he garante ,
Ha diou galon unanet treuzet gant eur c'hleze.

Kasset eo bet ar c'hloarek da vered Remengol ,
Ha sebeliet e disheol ilis sakr Remed-oll ,
Iliz Patronez he vamm en deuz bet ken karet !...
Tud iaouank a Vreiz-Izel , pedit 'vit-han bepret.

Setu eta Gwenole en he vele douar !!!...
Eur giz goude oe klevet huanadou glac'har...
Eur plac'hik gwisket e du , e bered Remengol
Deut di da bedi Doue ha Gwerc'hez Remed-holl.

O tremen dre ar vered , velaz war eur men be
Skrivet neve flam hano he mignon Gwenole.
Epad ann noz daoulinet , Metik wele dourek ,
Ha d'ar men be e poke , e poke kalonek.

- O Gwenole , eme-z-i , setu-te o repoz
- E douar sakr Remengol ez out deut d'am gortoz ,

» Mes kent ma tarzo ann de , o va muia karet ,
» Er be man , dre zorn Doue , ni vezo unanet !!!...

Da zao-heol eur belek koz , 'vont da bedi Doue
He c'havaz anter-varo , gourveet war ar men-be ,
Rei a raz d'ar plac'hik paour absolver ha pardon ,
Metik a varvaz laouen , raktal , gant rann-galon !...

• Enn eur vogeden ezanz ene glan Metik kez ,
'Vel eur goulmik , a nijaz d'ann en gant ann elez ;
Euz a varados Doue eur goabren arc'hantel ,
War tour Iliz Remengol , neuze , zo diskenpet.

War ar goabren ar Werc'hez ha saent koz Breiz-Izel ,
'Deuz kurunet Gwenole hag he vestrez santel ,
Barzet ann amzer zo bet , drant , war ho zelennou
Da Zoue , e brezopnek , a gane ho gwersiou .

Sebeliet e korf Metik , kichen korf Gwenole ,
Ar maro 'n deuz unanet ann eil gant egile...
Eur c'hloarek karantezuz 'n deuz war ho be skrivet
Ar c'homzou truezuz man , gant he zaélou mesket :

• *Aman e repos , e peoc'h , kloarek koat ar Rannou*
• *Den a seiz hag a galon , den a garie he vro ;*
• *En e gichen eo kousket penn herez Kersanton ,*
• *Metik , ann ælik Doue , maro gant rann-galon !!!...*

O gwerc'hez vad Remengol , setu ho taou vuguet
Kousket e tal hoc'h Iliz ha dindan hoc'h askel ,
'Vel eur Vamm garantezus war gavel he mabik ,
C'hui dolo evez war be Gwenole ha Metik !!!...

Kleier , ograon Remengol , truezuz o'hui zono ,
Barzet ha pelerinet , daélou c'hui a skuillo ,
War be Metik , Gwenole , pa rafet ho peden ,
Eur beden a garante ha karget a anken !...

Bevit e doujanz Doue , tud iaouank Breiz-Izel ,
Pedit Gwerc'hez Remengol evit ma viot santel ;
Sonjit ive e Metik , sonjit e Gwenole ,
Bezit evel d'ho fidel ann eil d'eguil.

Koad ar C'hrannou K'ranmou = gweç bras

— 7 —

Koad ar Rannou, (Rann, Rannou, chants, séries), *bois des chants ou des séries*. Koad bras e dero, a zo e kichen, ha dar zao heol da iliz Remengol. Ann Drouizet, beleien ar Vretonnet, gwechal c'hoaz difeiz, a droc'he, bep bloaz, gant eur gontel sour, e koat ar Rannou, eul louzaouen, hanvet *husf-eor*, p'hini a zao war ann dero.

Barz, barzet, (barde, poëte). Bep bloaz ive enem gaxe e koat ar Rannou hag e *Rumengolou*, birio hanvet Remengol, Barzet ann Arvor. Ar re ma a oa tud a skiant pere a gane gwersiou great gant ho, war ann traou, kaer erruet er vro, kana a rent ive meuleudi Teutates, Doue feoz, p'hini a oa enoret el leac'h e ma brema iliz Remengol. D'ann hini vije hanvet Barz e roer eur gurunen dero hag eun delen sour, war p'hini ar Barz a gane he soniou.

Gwenklan, Marzin, Taliézin, a oa barzet e Breiz-Izel kent m'a teuz e en-hi ar feiz kristen. — Brema zo c'hoaz e Breiz kalz Barzet, pere jaka ho studi hag ho foan evit kenderc'hel en hon touez ar feiz ha iez hor bro. Er pen kenta eus ar barzet e ma ann aoutronez Kermarker, barz Breiz; ann abad Herri, barz ann Avel; Troude; Kemar, person ha barz sant Laurans; ar Iann, barz koat ann Noz; Milin, barz Laouenan Breiz; Rannou, barz Roc'h Allaz; ar Skour, barz Itron Varia Remengol; F.-M. an Huel, barz Ker-ar-Born; Olier Souyets; barz Plouian; ann abad Poullaouek, kura Landevennek, barz sant Gwenole; Karis, person Plougras, barz Mene-Bre; Guernisson, barz Keravel, ha kalz a re all, pere o deuz gret eun niver bras a werziou-ha-soniou kaer.

- Kanit anez ho, Breiziz, rag beza int gwerziou
- Gret gant skiant ha kalon ha gant gwel vad komsou.
- Gret int e brezounek mad, nan e koz vrezounek,
- Evel ar re zo kalz re e brezounek-gallek.

Barzet ha pelerinet, kanit gwerziou santel,
• Kanit gloar ha meuleudi da vamm tud Breiz-Izel,
Ho Mamm hag ho Patrones. Rouanes-ar-bed oll,
Mamm ann dud paour, ankeniet, *Gwerc'hez vad Remengol*.

I.-P.-M. AR SKOUR,

Barz I.-V. Remengol.

PROPRIÉTÉ.

ANN HINI A GARAN

War eun ton neve.

Ann hini a garan 'zo koant evel ann heol.
Karantezuz evel Gwerc'hez vad Remengol.

 Doue sent Breiz-Izel, Doue va zadou koz,
 D'ann hini a garan roit bepret ho pennoz.

Ann hini a garan 'zo dous evel al loar,
En noz pa sklerijen bugale an douar.

 Doue sent Breiz-Izel, etc.

Ann hini a garan 'zo vel ann alc'houeder
D'am c'halon paour e kan soniou, gwersiou tener,

 Doue sent Breiz-Izel, etc.

Ann hini a garan 'zo 'vel ann darzanel,
Pa ve maro he far, enem doll da vervel.

 Doue sent Breiz-Izel, etc.

Ann hini a garan 'zo eun ælik Doue,
Eun ælik dous a ra joaustet va bue.

 Doue sent Breiz-Izel, etc.

Ann hini a garan a zo dous he hano,
Evel ar mel eo mad, koant evel ar bleunio.

 Doue sent Breiz-Izel, etc.

Ann hini a garan em c'halon a chomo,
'Tre ma vin e bue, ha goude va maro.

 Doue sent Breiz-Izel, etc.

Ann hini a garan gane-me en disheol,
A reposo eun de e bered Remengol.

 Doue sent Breiz-Izel, etc.

Ann hini a garan e palès ann Drindet,
Gane-me da viken a vo karet, karet.

 Doue sent Breiz-Izel, Doue va zadou koz,
 D'ann hini a garan roit bepret ho pennoz.

I.-P.-M. AR SKOUR, Barz I.-V. Remengol.

Montroulez, eun ty J. HASLE, Imprimer ha Levver.